



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Historia Sanctorum Joachim Et Annæ Geneseos, Vitæ, Transitus Et Connexorum**

**Polius, Jacobus**

**Herbipoli, 1652**

7. Prosapia SS. Joachim & Annæ, Natalisq[ue] sedes.

**urn:nbn:de:hbz:466:1-43946**



PROSAPIA SS. IOACHIM ET  
ANNÆ, Natalisq; sedes. §. 7.

**F**undamenta eius in montibus sanctis, Psal. 86.  
Genealogiam S. Joachim irrefragabilem tenemus. Natus est avo <sup>a</sup>Panthere, Patre Barpanthere, de tribu Juda, de domo David: nam Melchi Jannæ filius, à Zorobabele (in utroque libro generationis nominato) gradu quinto & decimo descendens, factus est Pater Levi, Avus Mathatis & Pantheris, Proavus Heli & Barpantheris, quorum ille sanctione Mosaycâ pater evasit Legalis Josephi, Jesu nutritii; hic autem genuit Joachimum patrem Deiparæ. En quomodo regali ex progenie Maria exorta refulgeat? Unde Damascenus: <sup>b</sup>*Ex tribu Juda Davidem invenientes, ex Davide autem Christum genus ducentem, (hoc demonstrato) perspicuè virginem quoque ex Davidis genere, qui ex Juda Ortum traxit, esse reperiemus, siquidem idem genus habet id quod gignitur, cum eo à quo gignitur.*

2. S. Romana Ecclesia <sup>c</sup>adductæ genesi fidem accomodat, unde meridiano clarius jubare elucet, quomodo impleta sit Isaiaæ Prophetia: *Egredietur Virga de radice Jesse, & Flos de radice eius ascendet.* Obmutescat ergo Faustus Manichæus, Joachimum Leviticum mentiens: Confundatur Philo de temporibus aliam periculosam genesis confingens: explodatur Herodes Ascalonita Rex,

<sup>a</sup> Diez conceptu 1. in Besto Concept. <sup>b</sup> Damasc. lib. 4. fidei c. 15. <sup>c</sup> probatur p. 2. q. 1.



Rex, qui ne obscuritas sanguinis sui detegere-  
 tur <sup>d</sup> fertur omnes genealogiarum libros incen-  
 disse: sed mentita est iniquitas sibi, comprehen-  
 sus est Herodes in astutiâ suâ. Nobis enim Da-  
 mascenus adductæ genealogiæ testis manet irre-  
 fragabilis, qui quidem seculo Christianæ ære sex-  
 to decimo, Latinus factus, majoribus nostris in-  
 notuit, & in urbe Basileâ, inter primicerias, hæ-  
 reseos cupidissimâ, typis descriptus, tardius di-  
 vulgatus fuit. Interea tamen non latuit, quo pa-  
 tre, quo avo, mundo illuxerit S. Joachim. Hujus  
 asserti testes sunt vetustus Andronici Constanti-  
 nopolitani Dialogus parte 2. q. 1. n. 5. describen-  
 dus. Bertrandus Cardinalis serm. 2. de Nat. Do-  
 mini. Nicolaus Liranus in cap. 1. Matth. Otto Pas-  
 sovicus in throni aurei senæ 12. speculum redem-  
 ptionis humanæ pag. 12. Fasciculus temporum  
 edit. 1495. Venetiæ fol. 65. Petrus de Natali-  
 bus Episcopus Equilinus in nat. B. Virg. Tho-  
 meswar Stellarii lib. 8. par. 2. a. 3. c. 1. Dionys. Ri-  
 ckelius a. 2. sup. Matth. Hungarius Pestiensis ser.  
 83. de Sanctis. Gualtherus Bornius vitæ S. Annæ  
 c. 23. Petrus Wilderat, Vineti c. 3. Guilhelmus  
 Parisiensis in Postilla majori a. 1514. Basileæ edi-  
 tâ tractans de Concept. B. Virg. Breviar. Roma-  
 num 1510. Paris. editum in Festo S. Joachim. Ga-  
 latinus de arcanis fidei l. 7. a. 1557. Colon. edit.  
 pag. 795. Thomas de Vio Cardinalis Cajetan.  
 in c. 1. Matth. Joannes Eckius hom. 1. in nat. B. V.

Fride-

d. Salmeron prologom. 1. quinquagena secunda can. 8. Bel-  
 larm. apparatus n. 26.



Fridericus Naufea hom. 88. de SS. in nat. B. Virg.  
 Henricus Mauroy in Apologia pro Judæis fol.  
 167. Quia autem de avorum ætate loquimur,  
 multiplicem Concursum Recentiorum Scripto-  
 rum commemorare superfedemus.

3. Insuper signanter hic considerandum, quòd  
 binæ genealogiæ per Matthæum & Lucam de-  
 ductæ, coincidant in Zorobabele, cui duo fue-  
 runt filii, Refa & Abiud: atque hinc Lucas per  
 Refa & Matthæus per Abiud lineam tribus Juda  
 prosequuntur, donec Matthæus terminet in Ja-  
 cob patre naturali Josephi, & Lucas in Heli, qui  
 ob suscitatum semen ejusdem pater factus est  
 Legalis. De Joachimi Ortu diximus supra. Lau-  
 rent. Beyerlinck <sup>c</sup> consentiens ait: Joachim Ma-  
 thatæ filius & Zorobabelis nepos, venerandam &  
 laude dignam (ANNA M) Mathanis Sacerdotis &  
 Mariae filiam, Elizabetha Matris Joannis Baptiste  
 cognatam in matrimonium duxit.

4. Nazarethi in Galilæa in lucem editus fuit  
 Joachim, secundum dispensationem carnis futu-  
 rus avus, sui ex filia nepotis JESU, Oraculo pro-  
 phetarum & usurpatione Judæorum Nazareni  
 indigitati; Nazareth florem significat, quod præ-  
 clare ab Isaia II. c. *Egredietur virga de radice Jesse*  
 & *flos de radice eius ascendet*, prænunciatum est.  
 Germen propriè ait Damasc. <sup>f</sup> David est, Virga,  
 Maria, flos autem, Christus accipitur, inquit:

Ego

<sup>c</sup> Beyerl. prompt. moral. p. 3. in f. Præsent. <sup>f</sup> Dam. Orat. 2.  
<sup>e</sup> Nativ. B. Virg.

d



*Ego flos campi & liliū convallium*, S. Andreas Archiepiscopus Cietæ in annunciat. SS. Dominæ nostræ. Petrus de Posnonia serm. 3. Dominicæ intra Octavam Nativitatis, Alphonfus & Salmeron tom. 3. tract. 4. pag. 31. de eodem fusius.

5. Annæ parentes, Stolanum & Emerentianam, de tribu Juda censuit antiquitas. § Recentior autem opinio vult, quod Mathan Sacerdos, & Maria conjuges, Bethlehemiticas tres sorores produxerint, Mariam, Sobam & Annam, cujus asserti in Græcâ Ecclesia ætate satis sera auctor fuit Hippolytus Thebanus; licet ejus loco Nicephorus Callistus<sup>h</sup> falsò substituerit antiquissimum scriptorem divinum, ut dicat. Hippolytum Portensem Episcopum (aliis) gloriosum Christi martyrem & rectè sed personata auctoritas hæc intrusa, cum multos deceperit, adhuc sub iudice lis manet, utra sententia securius veniat amplectenda.

6. Natalis Annæ Locus Bethlehem domum panis significat, Deo sic providente, ut Anna ex inde oriunda, significationem illam definiret: Ea propter ut voluit Deus, beata & gloriosa Anna semen inclytum germinavit, quod S. Spiritu obumbrante, in Bethlehem granum protulit, de quo factus est Panis angelorum, hominum vita, & resurrectio mortuorum.

7. De Basi hac positâ, seu hujusmodi genesi, S. Antoninus ait: *In principio creavit Deus*  
salum

g probatur p. 2. q. 2. h Niceph. l. 2. c. 3.

i Anton. summæ part. 4. tit. 15. c. 4. §. 2.



calum & terram, Gen. 1. c. In capite libri hujus, (dicere potest Maria) scriptum est de me figuratiter, & memoria mea in generatione seculorum. In principio namque temporis seu mundi, creavit, scilicet per figuram pronuntiavit, figurando creandum calum & terram, ita perfectior est pater quia principium activum, quam mater que est principium passivum: & ideo prius describitur calum factum, & postea terra. S. Annæ autem nobilitatem ne quis obscuram putet, introducamus Rudolphum Agricola[m] canentem: <sup>k</sup> *Conspicuos præstant alios benefacta parentum: tu contra natâ nobilitate nites.* Et iustissimè, nam in Christi humanitatem, quicquid humanæ nobilitatis confluit, puta Patriarchalis, Regalis, Ducalis, Prophetalis, Sacerdotalisque id nequaquam aliter, nisi per Mariam virginem, Joachim & Annæ filiam, ex quâ carnem assumpsit, derivatum fuit. Sunt insuper nobilium uxores ejusdem dignitatis, honorisque, cujus sunt mariti. Porro altissima consideratio est, quod Anna avia Christi sit, non tam ut reliquæ mulieres nepotum suorum, sed multo magis: nepos enim suus non adeo suus dici potest, quia filius filiæ, sed quia alium non habuit parentem. Eam rem prosequuntur insigniter, Johannes Oforius <sup>l</sup> & Petrus Biverus <sup>m</sup>, quin & Damascenus <sup>n</sup> olim docuerat Annam ex prole nobilitatam: nam si maximum & eminentissimum, quod

<sup>k</sup> Agric. versu. 141.    <sup>l</sup> Ofor. in f. S. Annæ.

<sup>m</sup> Biver. dissert. 1. pag. 121.

<sup>n</sup> Damasc. ubi supra.



quod de semine suo, Messiam desideratum nasciturum illi sponderit, nonne hæc promissio in S. Annâ eò fuit eminentior, quò fælici huic fortunæ fuit propinquior.

8. Plenior de stirpitate, tribu, natalique sede s. seq. & par. 2. q. 1. & seqq. fit discussio. De Zorobabele autem p. 29. ult. plenius.

CHRISTUS *quomodo Rex & Sacerdos fuerit?* §. 8.

DOCTOR Angelicus<sup>a</sup> dicit quod David in Bethlehem natus, elegerit Jerusalem pro sede regni, ut esset civitas simul regalis & sacerdotalis: quæ Christo Domino applicanda veniunt. S. Damascenus<sup>b</sup> auctor est, quod ex duodecim tribubus, Deus duas ceteris chariores habuit, honoreque antetulit Leviticam & Judaicam. Nazianzenus<sup>c</sup> Christum ex lineâ Regum & Sacerdotum, orbi illuxisse concinit; pro quo literalis intellectu, verborumque directâ veritate, considerare juvabit, quod juxta præmissum paragraphum septimum, virgo Deipara prodierit, patre ex tribu Judâ, matre vero ex tribu Levi, unde meridiano jubare clarius elucescit, quomodo ex utrâque tribu Christi propago coaluerit.

2. Testamenta duodecim Patriarcharum in S. Vincentii speculo relata, (apud Margarinum tom. 8. primæ edit. atque tom. 4. secundæ & tertiæ edit. porrò in bibliotheca SS. Patrum edit. Colon.

<sup>a</sup> Thom. pag. 3. summæ q. 35. a. 7. <sup>b</sup> Damasc. orat. 2. de nativ. B. Virg. <sup>c</sup> Nazian. in eam. genealogica.